


校正驗方新編



重訂驗方新編卷四

脾胃 ○惡心吞酸 此脾胃虛冷也吳萸四錢滾水泡去苦味水煎食遠服有云患此多年一服即愈或加乾薑一

錢亦可忌夜食並忌生冷食物 又方核桃嚼爛姜湯送下 ○胃口虛脹手足厥冷 山藥半砂半生研細米湯

下二錢日二次忌鐵器 涼藥服多嘔惡食 前三方及後鯽魚橘皮二方均可用 冷水姜服 炒子炒魚

再加水煮澄清飲之即消 又方食生蒜頭二三枚亦效或服砂仁一二錢亦可 ○胃脘冷滯 有人胃中冷滯

多年不愈後遇名醫診之曰此尸症也用死人棺中枕煮水服之即愈 ○脾胃虛冷不思飲食 鯽魚和薑豉胡

椒老姜陳皮煮熟空心服 ○脾家冷積食後胸滿兼治一切痰氣 橘皮一斤(柑橙皮勿用)甘草食鹽各四兩水五

碗慢火熬乾焙為末每服二三錢白滾水沖服有人得此疾百藥不效偶服橘皮散似屬相宜遂連日服之一日忽

覺一物墜下大驚自汗如雨須臾腹痛遺下數塊如鐵彈子臭不可聞從此胸次霍然其病頓愈蓋脾之冷積故也

○胸胃積滯 有人食白煮雞蛋過多胸胃積滯數年不愈後用大蒜半斤煮食吐出一團開視已成小雞連服

數次吐出十餘團而愈 胃寒嘔吐黃水並治痰飲吐水 暖胃膏生薑一斤搗取自然汁碗許入牛皮膠乳香

末沒藥末各五錢同煎膠化離火將藥作三四大膏藥以一張貼胃脘痛處用紬綁捆三個時辰然後取週歲小孩

所穿之鞋一雙銅爐上烘極熱在膏上輪流熨之熨至膏硬換膏再貼再綁三時再熨至愈為止止後用紫油厚料

三斤用老姜二斤切片同煮一時去姜不用乾薑四兩用甘草二兩同煮一時去甘草不用將二味炒乾為細末黑

棗煮湯去皮核為丸每服二錢開水送下久服斷根此方名暖胃丸功能溫中降氣暖胃消痰大有奇效此林屋山

人經驗之方也

痰疾 ○中痰氣絕 方見卷十二急救門 ○下痰丸 治一切風痰眩暈癰疽久不愈者白礬一兩細茶葉五錢

為末煉蜜為丸梧子大食遠薑湯下五十九丸久服痰自大便出 ○茯苓丸治痰症手臂痛疼並治婦人產後發喘

四肢浮腫生半夏二兩茯苓二兩枳殼去瓢麪炒五錢風化硝二錢五分如一時未易成但以朴硝撒在竹盤中少

時盛水置當風處即乾刮取用亦可共為細末生薑汁煮糊為丸如梧子大每服三十九丸姜湯送下有人為痰所苦

夜聞咳嗽如人抽搐兩手發戰不能舉物服此隨愈 ○痰氣結胸 真淨銀硃五錢明礬一兩同研用麝斗盛火

瓦礫盛藥鎔化急刮搓丸每服一錢好茶入姜汁少許服之心上隱隱有聲結胸自散不動臟腑不傷真氣明礬化痰銀硃破積故也 又方梨汁一盅薑汁白蜜各半鍾薄荷三錢研細末和水煮十餘滾服降痰如奔馬 又方照

哮喘第一方治之極效 ○痰飲吐水 凡食冷物過度或氣虛脾弱不能消化飲食入胃皆變成水嘔吐無時名

曰痰飲好赤石脂一斤研末每服二錢酒送下至多服三錢服至一斤則終身不吐痰水又不下痢此藥能補五臟

令人肥健有人痰飲百藥不效服此立刻而愈 又方暖胃膏舒胃丸二方見前脾胃門極效 ○痰疾癲狂 狂

病有因傷寒而得之者此一時之狂也照仲景張公傷寒門治之用白虎湯以瀉火矣更有終年狂病而不愈者或

持刀殺人罵官不認父母妻子見水則喜見食則怒此乃心氣之虛而熱邪乘之痰氣侵之遂成狂矣此等欲瀉火

而火在心不可瀉也欲消痰而痰在心之中不易消也惟有補脾胃之氣則心自養不必祛痰痰自化不必瀉火火

自無矣方為化狂丹高麗參三錢白朮茯苓各一兩甘草菖蒲各一錢半夏免絲子各三錢附子一分水煎服一劑

狂定二劑病痊此方妙在補心脾胃之三經而化其痰不去瀉火益瀉火則心氣愈傷而痰延愈盛狂將何止乎尤

妙在附子一分引補心消痰之劑直入心中而氣尤易補而痰尤易消又何用瀉火之多事乎此所以奏功如神也

又方真鬱金七兩白礬三兩薄荷水為丸硃砂為衣如梧子大每早服一次開水下有婦人瘋癲十餘年服至四

五十日心間如有物脫去再服數十日而愈以鬱金入心去惡血白礬化頑痰硃砂安神故也愈後須用天王補心

丹加減調治方免後患 又方絲綿一尺燒灰開水下兌酒服更妙 ○癡笑不止 食鹽燒紅河水煎服過片時

用手指入喉抵住舌根使作嘔吐嘔出熱痰數次即愈 ○羊癲風 菜葉放口中青草亦可立時蘇醒仍照前煎

橄欖膏服之可斷根 ○痰迷譫語方 鮮豬心一具辰砂一錢甘遂二錢二味合研為末藏豬心中外用牛黃燻

熱取出藥末和作二丸將豬心煮汁和丸吞下即愈

三消渴而飲水不止為上消飲水多而作瀉為下消多食易飢為中消 ○消渴飲水不止 三消湯真台黨白朮當

歸茯苓生地各一錢黃柏知母黃連麥冬天花粉黃芩各七分甘草五分水煎服神效三消皆治 ○天池膏 天

花粉黃連真台黨知母白朮五味各三兩麥冬六兩生地汁藕汁各二兩乳牛乳各一碗生薑汁二碗先將天花

粉七味切片用淘米水十六碗桑柴火慢熬汁即盡五六碗漚清入生地等汁慢慢煎熬加白蜜一斤煎去沫熬如

膏收入磁罐用水浸三日去火毒每用二三匙白滾水送下甚效三消通治○兔絲丸 兔絲子酒浸淨焙乾十兩茯苓連肉各三兩五味子一兩共為末另研真山藥末六兩酒煮搗數百杵丸如梧子大每服五十九丸空心米湯下三消皆治 又方萊豆煮汁並作粥食更妙 又方好梨日日食之多食必效或多食蘿蔔更妙 又方苦練樹根新白皮五錢切片瓦上焙乾入麝香少許水煎空心服之有人口渴不止遇道人傳此方下蟲三四條而愈愈後人必困頓用黨參二兩煎水飲之 又方如一日飲水至一石者浮萍搗汁服之 又方如飲水多而小便不通者葵花根五兩煮湯清早服之 ○多年消渴飲水百藥不效 每日食好梨二三個或食蘿蔔亦可均極神效 又方白芍甘草等分為末每服一錢開水送下日三服七日而愈有人渴飲九年時發時止服此斷根 ○飲水不止小便如膏 茴香炒苦楝子炒各一錢研末空心酒調服 飲水不止小便時流以上各方可以通治 雞蛋三個要頭窠生者去壳攪融用燒酒四兩澆開沖服服後即蓋被睡下睡醒禁風三日即愈有人一日飲水數桶上飲下流服此而止神效非常 ○久病消渴不止並治泄瀉口渴 七味白朮散白朮高麗參真茯苓蒼香薷乾葛各一錢炙草五分水煎當茶飲另用木香三分磨汁兌服屢試神效 ○消食易飢以上消渴各方可以通治 好梨日日飲之多日自愈 又方肉蓯蓉山茱萸五味子為末蜜丸梧子大每服二十九鹽水下 ○腹中易飢食下片刻即吐 此蛇積也用醋泡大蒜汁飲數碗吐出一蛇即愈不吐再服數碗自愈 又方雄黃五錢調水服數次即愈

飲食積滯與痞積門參看

○食積外治法

凡飲食停滯胸膈滿脹或大便不通或大便秘瀉或年老或體虛難以

攻擊內消者用亂髮一團剪斷酒釀一個小者二三個亦可葱白七個老姜三錢胡椒七粒以雞蛋一個破壳傾入碗中將各藥搗勻和入調勻用隔夜燈油煎成一餅貼病人心坎下胃脘處先用燈油於胃脘處順擦七次再貼如嫌太熱用紙隔貼亦可用布帶束住冷則煎熱再貼約一二時似覺鬆動即便取去其病立愈此法極穩而效屢試如神若治小兒藥料可以稍減 又方紫蘇熨法見傷寒門亦極效 ○飲食凝滯攻衝作痛或有形或無形 方

見各項氣痛門

○飲食過多脹滿不安

用鹽擦牙溫水漱下二三次如湯沃雪也

○魚肉積滯 狗糞燒存

性為末酒服二錢日三服其積自大便出 又方山查炭研末為丸每服四錢數次即愈 ○食魚積滯 紅曲三

合煮爛連渣服積從大便出連服三次即愈 ○生魚積滯取水石子數十枚燒紅投冷水中七次即熟飲之三五次其積從大便出 又方生薑汁和紫蘇汁飲之即消 ○食犬積滯 山查肉杏仁去皮尖各二十四粒煎濃

湯飲自化 ○食牛腹脹 乾稻草一把煎濃湯熱飲自消 ○食鴨積滯 淘米水煎熱飲一盞即消 ○鴨蛋積滯 治法與上同 ○雞蛋積滯 飲好醋即消或飲豉水亦消 ○食蟹煮雞蛋積滯 腹中如有雞子鳴者

多食大蒜即可吐出 ○食鹽蛋積滯 肉豆蔻一個煨去油煎服連服數個自消 ○食索粉涼粉積滯 杏仁五十粒去皮尖蒸熟搗碎滾開水沖服即消 ○食瓜果腹脹作痛 肉桂研末飯和丸菜豉大每服五分滾水下

又方食鹽湯即愈 ○食西瓜並諸瓜過傷 瓜皮煎湯解之諸瓜皆同 ○食荔枝腹脹 荔枝壳煎水服即消 ○食麥肉腹脹 取生薑汁飲立消 ○食豈不消 生蘿蔔煎飲之即消 ○食麵不消 生薑汁沖好酒

熱服自化 又方生蘿蔔取汁炖服極神效凡食麪用醋斷不作脹 ○糯米積滯 神麪炒為末加木香末鹽開水下數日口中必聞酒香其積即散 ○飯食凝滯腹痛 飯搓成團加鹽少許燒枯煎水飲即消 ○食茶成癖

花柳芝麻等分為末以蒸麪餅為丸如梧子大每服十九茶送下百日立效 ○食積痞塊 木賊五錢研末每服五分開水空心調服年近者一料立散年遠者二料即效

噎隔 此症有氣隔血隔酒隔痰隔蟲隔數種惟氣隔及老年人隔食者難治得法亦可愈也 ○噎隔諸方凡患隔食鼓脹愈後必戒殺放生方免復發至要至要 牛涎丸專治隔食糯米粉以老牛口涎拌和為小丸煮熟食之神

效或牛涎和水服亦妙以水洗盡老牛口用鹽塗之少頃涎自出愈後戒食牛肉 又方牛皮草煎水服其效如神無論何項噎隔皆治 又方豬肺管四兩鮮藕四兩如無鮮藕乾藕節亦可舊羅底一個麵鋪所用羅麵之黃絲羅

底要黃的黑白者不用以上三味新瓦上焙枯研細末用生薑一兩搗爛取汁白沙糖一兩沖服初服必吐吐後再服服至三次即不吐矣服後忌食各色豈一月此方活人甚多神效莫測珍之寶之並忌食豈腐莖芽菜一月又方

小兒胎髮一個以陰陽瓦焙焦存性研細末陳酒送下極效 又方淨牛乳以當面取者為佳少加白糖時時燒熱飲之凡患噎隔大便燥結者服此必效 又方逢日食時自初虧起用白乾麪二斤水調揉熟向日和成丸如桂圓核

大以日色復圓為止即將麪丸於是日晒乾收好按一歲一丸空心煮食平淡而有奇功麵圓外實內虛尤為奇異

不可輕忽多製可以濟人價廉功大不見日則不效 又方生藕汁生薑汁梨汁蘿蔔汁甘蔗汁蜂蜜白果汁竹瀝各一盞和勻飯上蒸熟隨意飲之 又方韭汁梨汁薑汁人乳各一盞飯上蒸熟服之三日後再服極效 又方此症胸前必有二小骨漸漸交合則不能食而死取生鵝血對口乘熱灌之其骨自化飲食可進永戒食鵝牛二物一僧患隔食病臨死語其徒云胸中有物作梗死後必為剖出其徒剖得一骨後殺鵝血偶滴骨上骨即消化其徒亦患此病因飲鵝血而愈屢試如神 ○傷寒隔食 核桃五十枚於砂鍋內水浸核桃高一指深煎四五滾取水飲之 ○隔食初愈飲食宜少 凡隔食初愈飲食不可驟進須先以米湯飲二日再以清稀粥服一二日再以濃粥服一二日每次只可一小碗俟七日後方可食乾飯每食不過一小碗日漸遞加切勿食飽緣胃氣初復驟然飽食反致傷胃則不可救矣即病人要食生氣亦須聽之愈後忌鹽醬五十日仍請名醫調理 ○反胃嘔吐凡患嘔吐以上噎隔各方可以通治生薑一大塊直切薄片勿令斷層層擦鹽以線紮緊外用草紙七層包之水泡濕慢火煨熟取起搗爛和米煎服立止 又方生薑汁一盞煎滾聽用蜂蜜四兩煉熟聽用每服用薑汁一匙蜜二匙白湯調服每日五六次效 又方柿餅拌乾飯蒸熟連食八日不飲滴水極重者八日必愈屢試屢驗萬無一失 又方藕二枝陰乾三四日去其頭二三段吞汁吞渣一日一段二日服完即愈 又方甘蔗汁一升入生薑汁二合溫熱作五次服甚效 又方用老姜一大塊挖孔納紅棗一枚紅棗去核內包砂仁一顆外用黃泥包裹煨透去泥與姜棗只取砂仁嚼食數顆數次即愈極效或將姜棗砂仁煎湯服之亦效胃寒者最宜 又方蚯蚓糞一兩木香三錢大黃七錢為末每服五錢無根之水調下忌煎炒酒醋椒薑熱物一二服即愈其效如神因熱而嘔泄者最宜 ○上吐下瀉此尋常吐瀉也如因暑熱吐瀉不止急煎卷十五霍亂門治之樟木煎水服立止屢試如神並治霍亂亦效 又方韭菜搗汁隔水燉熱微溫服極效 又方陳鹽梅一個瓦上焙乾加生薑一大片同煎服極神效 又方小兒吐瀉不止用舊鐵釘有銹者煮水飲入口即止 一二日一吐氣味變酸 有人飲食一二日之後一齊吐出氣吐變酸百藥不效用豬板油十兩熬去渣白蜜八兩煉淨二味再入銅鍋內熬數滾入生薑自然汁三兩和勻成膏取起不時挑服含化初服一次尚吐連服三次全愈 ○二日一吐或三四五日一吐飲食不飽吐物不化 此名胃囊症生於胃旁其形如囊凡有飲食必入此囊雖食飽而肚仍飢餓因此物間隔於上飲食不能入腹故也初起

一二日一吐吐食物並無氣味肉食則化米食不化久則三四日一吐若至五六日一吐則難治矣用製附子五錢雲苓一兩每日煎服二次服至三日吐出食物必變氣味再服三日則吐一半再服三日則不吐矣不吐之後用六味地黃丸見內外備用諸方加油當歸火麻仁研末煉蜜為丸每早服五錢晚服五錢服至數日後胃氣必從大便而出重者形如牛皮輕則如紙此病人多不知諸書不載方係仙傳萬金難得寶之寶之 ○朝食暮吐暮食朝吐 此腎虛也用熟地二兩山茱肉三兩水五碗煎至一碗加肉桂一錢研末兌入空心服一日一劑十日必愈愈後服六味地黃丸一二料方可斷根 ○飢餓嘔吐 凡人飢餓每有蟻虫上胃物食必吐若誤用翻胃之藥其吐更甚宜用川椒煎湯服即安 乾吐不出 此極惡之症用甘蔗汁加生姜汁和勻溫熱服 ○酒後乾吐

甘蔗汁飲數次極效 ○食物下喉即吐 此腎水虧也用熟地二兩茱肉三兩麥冬三錢煎服連服十劑即愈後服六味地黃丸一二料不致再發 ○見食即吐 此胃經吐也紅棗二個去核胡椒二粒打碎入棗內紙包煨過煎湯服外用米一盃炒黑煮熱酒藥一個共研勻貼心窩 ○食後少頃即吐此胃脘有虫也白馬尿飲一二升極效或查卷五虫疾方治之 ○嘔物不化 此大腸嘔也黃糖酒藥即酒餅陳壁土共煎湯服外用酒藥二個半生半煨細茶三錢艾葉二錢共搗爛茶炒貼心窩 ○嘔吐清水 此胆經嘔也生薑一塊切開中挖一孔甘草研末五分入姜內紙裹合佳煨熟取姜內甘草入姜一片煎湯服外用蜡樹根去粗皮瓦上霜路旁陳茅草皂角灰共搗碎茶炒貼心窩 ○欲嘔而不嘔此小腸經嘔也楓樹皮甘草煎服外用燕子泥樟樹皮共搗碎有熱用茶炒無

熱用酒炒貼心窩 又方車前草燈心桔木葉煎湯服 又方如嘔後小便不利者楓樹漿作膏用皂角灰摻上貼臍眼用燈火在喉下燒三次 ○口吐白沫欲嘔而不出此膀胱經嘔也萊菔糯米鹽共炒搗碎加黃糖水煎服 又方蚯蚓胡椒艾葉皂角灰共研碎清油炒貼心窩 又方如嘔後氣不散者用艾葉搗碎醋炒貼心窩神效 ○欲嘔而不嘔面發紅眼流泪 此三焦嘔也生藕洗淨搗汁如無以藕節代乳汁乾柿蒂鳳凰煎服神效 又方桑

樹皮茶葉四季葱共搗爛炒熱貼心窩如二便不通加皂角灰黃糖水調貼肚臍 又方黃豆研量便和勻貼心窩又方上不嘔下不瀉如霍亂者用糯米萊菔鹽胡椒灶心土共為末以刀燒紅將藥放刀上陰陽水沖服外用米

酒糟是角灰同炒貼心窩如不愈用針刺中指出血即愈 ○聞藥即吐百藥不效 取家中灶心土藥店買者不

真則不效水為丸塞兩鼻孔即不吐矣極效 ○嘔吐不能服藥必有蛇在胸膈 川椒十粒炒前服或於嘔吐藥中加川椒飲之 又方陳鹽梅二個和滑石末共搗作餅紙包火上煨枯開水泡服甚效 ○脾胃虛弱食不消化湯飲不下粟米半升磨成粉為丸梧子大每用七粒煮熟入鹽少許空心和食或加醋吞服 又方真橘皮去白研末五更安五分於掌心飴之即睡三日必效 ○又方有人服涼藥過多漸至嘔吐旬日之後進口即吐竟至粒米不下湯水亦吐已七日矣請醫診視脈不散亂尚有神氣雖因寒涼而阻隔但絕食以來大便不通小便短濇即用製大黃只亮各一錢煎湯服之竟不吐出亦不思食次日復進一劑下咽一時後大小便通利而思食矣誠哉藥之對症其效如此 ○嘔吐痰水 見痰疾門

呃逆

○偶然呃逆

紙撚通鼻取嚏即止

○氣熱呃逆

柿蒂煎水飲即止

○陰寒呃逆

乳香硫黃陳艾各

二錢為細末用好酒一鍾煎數滾乘熱氣使病人用鼻嗅之外用生薑擦胸前最效 又方雄黃二錢燒酒一盞煎

七分急令病人嗅其熱氣即止 又方川椒去子及閉口者炒四兩麴糊為丸如桐子大每服十丸醋湯送下食遠

服神效 ○體虛常呃逆二三聲 公丁香三十七粒白蓮子去心二十七個二味同煮爛去渣加煨薑一片糯米

半升煮粥食即止 ○呃逆日久不愈一連四五十聲者 用生薑搗汁一合加蜜一匙溫熱服

重訂驗方新編卷五

肚腹 ○腹痛辨症腹痛各症應與傷寒門參看 臍眼上痛者食痛也臍眼下痛熱手按之不痛或其痛多急或痛

如刀割或吐或瀉或痛甚而覺有冷氣皆寒痛也手按之更痛冷物熨之不痛 或自下而痛上或時痛時止腹滿

堅結皆熱痛也時發時止痛在一處而不移者或有塊硬起者虫痛瘡痛也又聞煎炒食物香氣則痛痛時口吐清

水或口渴者亦虫痛也 ○陰症腹痛 男女交合之後或外受風寒或內食生冷等物以致肚腹疼痛痛腎囊俗名

卵胞內縮亦有不縮者手足灣屈紫黑重則牙緊氣絕謂之陰症傷寒治法見卷十四傷寒門 ○寒症腹痛參看

陰症傷寒各方 或炒鹽熨之或炒蔥薑熨之或用熱灰熨之或用滾水一壺隔布熨之均止痛妙法也 又方龍

眼連殼燒存性研末兌酒服屢試屢驗 ○肚腹畏寒 肚腹容易受寒動輒疼痛不已甚至寒中三陰命在須臾

遲則難救此下部虛損真陽不足命門火弱故也非大加熱品不可 有人腹痛畏寒貼附桂膏又加厚棉圍腰數

層遇寒仍不濟事一老醫以製附子五錢乾羌一錢上肉桂五分研末兌服水煎連服十餘劑雖天寒肚腹亦不畏冷再加補中益氣等藥調理全愈附子走而不守得乾姜守而不走如不信單用附子一味熬濃汁滴紙上水必散開加乾姜熬之滴紙上則水不散矣用炮姜則不效此秘傳也 ○熱症腹痛 服六一散最妙或用銅鐵冷物熨之或服痧藥亦可若痛甚者或嘔或瀉者照卷十五霍亂痧症各方治之又上吐下瀉而腹痛者如作霍亂痧症治之不效須照噎隔反胃門內上吐下瀉方治之 ○虫瀉腹痛 虫痛如有塊硬起者用手在硬處久久揉擦揉至一日其虫即死從大便而出或查瘡疾門各方治之 大人小兒腹中疳疾虫疾作痛及男婦痞塊癥瘕各項肚腹脹痛 方見瘡疾門 ○治疝古方 薏仁一兩用東方壁土炒黃色入水煮爛放砂盆內研成膏每用無灰酒調服二錢即消 ○食滯腹痛 方見飲食積滯門 ○身受寒熱心腹疼痛上下關格不通大便閉塞小便短澀渾身綳

緊手足腰膝僵硬不省人事 照卷十一內外備用諸方門土尉法治之最妙 ○忽然肚腹如鼓 此症肚腹猝脹漸大如鼓此寒極也遲則不救急用武營烏鎗藥二錢爆竹藥功緩不效以頂好燒酒煎滾沖服得吐瀉即生非陡然脹大者不可誤用 ○腹中緊脹腹硬如石痛如刀割見後瘡疾門 白糖煮酒飲數次即愈 ○肚腹麻木

此風襲也多煮葱頭食之並用葱姜炒熱熨之自愈 ○忽然肚黑 凡肚皮忽然青黑色此乃血氣失養風寒得以乘之所變怪形真危惡之敗症也若不速治難救急用大青研細末每服一錢半以好酒調下黑退即愈否則終危此起死回生之方也大青多生溪溝旁葉似大麻葉藥店多假生草藥店有之又有小青葉細性味相同功力稍緩 又方鉛粉和鹽炒焦數之亦效 ○肚腹脹大亮如水晶 柚子皮燒灰沖服神效柚子兩廣最多他省頗少以橘紅代之亦可 又方取癩蝦蟆六隻將四足紮住以蝦蟆肚皮在人肚腹光亮之處輕輕摩擦幾次再取一癩

癩蟆照前摩擦用至六隻即愈但蝦蟆眉內有蟾酥須防其迸出射入傷眼宜用細帕遮住病人兩眼蝦蟆用過之後即放水中使吐毒氣以救其命是為至要 ○臍眼出膿 此症先流臭水久則出膿不腫多年不愈用韭菜葉扁柏葉二味共搥取汁一酒盃加童便一茶盃蒸熱服外用蘆甘石要能浮水者用好醋泡一晝夜瓦上焙乾研末敷如不見效當請名醫治之不可忽也 ○臍中出水 龍膏醋泡焙枯研敷或用赤石脂研末敷均效或照

上臍中出膿方治之更妙 ○臍眼出血 方見諸血門 肚腹堅硬臍眼出虫 方見瘡疾門 ○肚腹左右生

上臍中出膿方治之更妙 ○臍眼出血 方見諸血門 肚腹堅硬臍眼出虫 方見瘡疾門 ○肚腹左右生

上臍中出膿方治之更妙 ○臍眼出血 方見諸血門 肚腹堅硬臍眼出虫 方見瘡疾門 ○肚腹左右生

癰 即腸癰也須照腸癰方治之 ○肚臍生癰肚臍腫大如瓜臍眼高突者是紅赤者照癰毒各方治之不紅不

熱者照陰疽各方治之 ○少腹疽生臍下一寸五分氣海穴或生二寸關元穴或生三寸丹田穴皆由七情火鬱

而生也分別紅白陰陽治之 ○小腸疽生小腹內按之如掌堅硬而熱微痛小便多出汗畏寒皮色如常或現微

腫脈緊急而有力者是也服犀黃丸見陰疽門即愈此林屋山人秘法也 ○臍下二三寸關元丹田二穴冷結膀

胱小腹有形作痛手足厥冷 此厥陰傷寒重症宜用仲景當歸四逆湯治之桂枝當歸各二錢芍藥三錢細辛三

分通草一錢五分甘草八分大棗二枚水煎服神效其人有久寒者加吳茱萸四分生薑一錢酒一小盃兌服 ○腸

胃中癰不可忍 此火鬱結不散所致用柴胡梔子炒花粉各三錢白芍一兩甘草二錢煎服即愈

瘡積 ○凡腹內瘀血凝結疼痛時發時止謂之瘡積又有形者為癰無形者為瘕又久瘕不愈亦成瘡積方見瘡疾

門 ○治瘡諸方 消瘡膏治積年惡瘡至重貼至兩張即消屢試神驗蜜陀僧六兩阿魏五錢羌活水紅花子各

一兩穿山甲三錢香油一斤半火候照常熬膏法膏成時下麝香一錢用布照瘡大小攤貼凡患瘡癰瘻肌膚定無

毛毫須着準以筆圈記用膏貼之內用水紅花子研末三錢燒酒二斤泡之時飲一盃瘡消乃止水紅花子即紅蓼

花子以自取為真約店多假用之不效 又方臭椿樹皮在上中者佳要一大束去粗皮止用白皮二斤切碎入鍋

內水熬瀝去渣用文武火熬成膏薄攤布上先以生薑搓出垢膩後以膏約在錫茶壺烘熱貼瘡塊上其初微痛半

日後即不痛俟其自落一張即好水不再發貼膏時微撒麝香少許於膏上然後貼之貼上膏約週圍破壞出水即

驗此方已驗多人即脹滿腹硬過臍者貼一二張即愈真神方也珍之重之孕婦忌用 又方雄黃白礬各一兩為

末麪糊調膏攤布上貼之俟大便脹滿而極多者即愈此秘法也 ○腹中陡然堅如鐵石痛如刀割晝夜呼號

牛膝三兩好燒酒十兩泡之紫絮封好熬成二兩飲之吐出惡物神效 ○腹中堅如鐵石臍內出水變作虫行之

狀繞身作咬痛癢難忍掃撥不盡 蒼朮煎濃湯洗之並用蒼朮二錢麝香二釐滾水調服 ○婦人血蠱 馬鞭

草及劉寄奴草煎湯服或為末服此治血蠱神藥也 ○髮癰好飲清油者是喉中如有蟲上下亦是 白馬尿飲

一二碗即化或以雄黃末服之即吐出也 又方有人腰痛牽心發則氣絕一名醫視之云是髮癰以油灌之吐出

一蟲掛壁上滴盡血水乃一髮也 ○米癰好食生米者是 雞糞屎要白色者佳白米各三錢同炒焦為末煎水服

吐出米汁即愈 ○肉癥常喜食肉者是 白馬尿飲二三碗當吐肉出不吐難治 ○蛇癥 人好吃蟲致成虱
癥用舊梳舊篦一件各破作兩分以一分燒研為末以一分煎水調末服即下出此孫真人千金方也 ○蠱癥 一
人噎隔飲食不下華陀見之云是蛇癥用醋泡大蒜汁陳者佳飲二三碗並多食大蒜後吐一大蛇而愈 又方蜈
蚣一條瓦上焙枯研末酒服甚效 ○龜蠱癥腹中如有龜蠱疼痛堅硬或動或不動者用殭蠶末一錢白馬尿一
二碗調服並敷痛處神效 又方白母雞一隻先餓一日用豬油炒飯與食取其糞焙乾為末水調服一錢日服三
次數日必愈 ○蛟龍癥 春秋二時蛟龍蛇蜃蜃之類遺精入於菜中人偶食之得病發則似癰面色青黃肚
腹脹滿痛不可忍用糯米糖時時服之服至數斤後吐出小虫即愈若吐蛇虫勿服 又方明雄朴硝各五錢滾水
調服泄瀉即愈 ○腹脹面黃 有人腹脹面黃百藥不效遇一名醫云是石蛇極難醫治取死人棺中枕煮水與
服吐出蛇虫堅如石者數升而愈

蟲疾 ○寸白虫疾 此症面色黃瘦飲食少進發時腹痛口吐清水用尖檳榔一兩廣木香五錢研極細末大人每服
五錢小人每服三錢開水調下其虫即從大便而出先用煎炒香味令病人聞之然後服約無不神驗也服約須在
月初乃效病重者二三服即愈 又方連鬚老葱頭搗汁麻油調服或炒葱頭食能化虫為水 又方榧子七個日
服二次服至七日虫化為水 蟬虫上出口鼻 川椒開口者不用研末沖水服即愈並用川椒含口更妙

蠱脹附浮腫 ○蠱脹辨症 手指按之下陷不起者水蠱也隨手即起者氣蠱也週身老黑色皮內有紫黑斑點者
血蠱也身大熱如火者難治身發寒熱如瘧者難治四肢發黑者難治腹脹脈大命絕者難治及陰莖腫爛者難治
唇口黑脾絕者難治缺盆平心絕者難治手足心平腎絕者難治肚臍翻突肺絕者難治背平肝絕者難治瀉後身有
青筋起者難治大便滑泄者難治週身有破皮者難治先起於四肢後歸於腹者難治先起於腹後散於四肢者易
治 ○治水蠱法手按之下陷不起者是雄豬肚一個去淨內垢老絲瓜筋半條土狗子又名螻蛄十個小黑公牛
糞一泡紫背浮萍一兩以上各約共裝肚內以麻線縫好放新砂鍋內加水用桑柴火煮爛去淨浮油煮好去藥將
肚溫水洗盡竹刀切片仍入原湯中再加赤茯苓皮大腹皮生薑皮廣陳皮生桑白皮各三錢甘遂麝香煨綿大戟
紙包煨完各二錢醋少用文武火再熬乾家原汁約有一大碗將約去淨渣土與十分作一大碗三火服下愈其

自利其水由大小便出其蟲立消服此之日務須照法嚴忌鹽醬一百二十天為要每日用真秋石可代鹽此治水
蟲第一神方不可輕忽 ○水蟲小便不通小便通者亦可治 大田螺四個去殼大蒜五個去皮車前子二錢研

末共為餅貼臍中以帶縛定水從小便出漸消終身戒食田螺 又方商陸根葱白搗填臍中小便利腫自消 ○

日滿開鹽法 鯽魚二斤食鹽三斤用黃泥包用白炭火煨一週時去泥將魚同鹽研細用此鹽用完再食生鹽方

保週身經絡堅固永不復發 ○治氣蠱法按之隨手即起者是 雄豬肚一個去臟內裝大癩蝦蟆一個大砂仁

一兩研老絲瓜筋半條破爛敗鼓皮手大一塊紫背浮萍一兩炙焦以麻線縫好入新砂鍋內加水用桑柴火煮爛

去淨浮油照治水蠱著法煮好去約將肚洗盡竹刀切片仍入原湯中再加真紫油厚朴台烏各五錢雞心檳榔

大腹皮真沉香枳殼醋炒各三錢羌花醋炒綿大戟麴包煨上梅片研細甘遂麴包煨各二錢用文武火再煮數滾

原汁約有一大菜碗將約去淨豬肚與湯分作二三次服沉香梅片二味不宜見火臨服時和肚內食之服後以大

便下白沫為驗其蠱即消嚴禁鹽醬一百二十天日滿開鹽方照前方服之此治氣蠱第一神方不可輕忽 又方

雞內金一副沉香砂仁各三錢陳香櫟五錢去核共為末每服一錢五分姜湯下神效 又方大癩蝦蟆一個砂仁

不拘多少為末將砂仁裝蟬內令滿縫口黃泥封固炭火煨紅取出候冷將蟬研末作三服陳皮香附湯送下若於

五月五日製備更效並治小兒疳疾亦靈 又方蘿蔔子一名萊菔子二兩研末再以生蘿蔔搗爛和子絞取汁將

砂仁二兩浸汁內一宿撈起晒乾再浸再晒七次為度每服一錢為末米飲調下神效 又方姜汁炒遠志五錢水

煎服下氣通即愈 ○治血蠱法週身老黑色皮內有紫黑斑點者是 雄豬肚一個去臟蕒草一兩雄雞屎四兩

炒焦紫背浮萍一兩老絲瓜筋半條各為末裝肚內用麻線縫好照前水蠱著法煮好去藥將肚切片仍入原湯再

加螞蝗燒枯存性乾漆三錢煨令煙盡炒蟲查藥物備要便知真化惡石研真血竭各三錢紅花降香各五錢甘

遂麴包裏煨綿大戟麴包煨羌花醋炒各二錢照前文武火煮好去藥食肚與湯分作二三次服服後以大便下黑

水數次為驗其蠱自消嚴禁鹽醬一百二十天滿日開鹽亦照前方服之此治血蠱第一神方不可輕忽方內螞蝗

必不可少俟病愈後照服螞蝗法解之見解救諸毒門 ○各種鼓脹 輕粉二錢巴豆四錢去殼衣研去油七次

生硫黃一錢共研成餅先以新綿一片敷臍上次以藥餅當臍按之外用布捆緊如人行五六里自瀉下候三五度

除去約餅以溫粥食之久患者隔日方去為餅愈後忌飲涼水此方治水蠱如神其餘蠱脹功力稍緩 又方凡水鼓氣鼓多食野水鴨最妙 又方取蓋屋稻草煎湯傾入盆內先坐盆上薰之待湯溫方洗其腹小便隨下黃水薰洗數次永不復發 又方西瓜一個切去頂若是滿穰挖去穰三成以蒜瓣填滿將原頂蓋上放新砂鍋內再用新砂鍋合上蒸熟瓜蒜與湯作二三次食盡全消不忘蒜醬 又方蘿蔔一枚週圍鑽七孔入巴豆七粒入土種之待其結子取子又種待蘿蔔成仍鑽七孔入巴豆七粒再種如此三次至第四次將開花時連根拔起陰乾收淨磁器內遇蠱脹者取一枚搥碎煎湯食之重者二枚立愈有心人宜預種之 ○食物積滯腹脹如鼓 方見解毒諸毒

門食犬馬肉腹脹方內 ○肚腹脹滿飲食如常乃濕熱生虫之象 照虫疾各方治之 ○十種水腫一清水先從左右肋腫起根在肝大戟為君二赤水先從舌根腫起根在心葶藶子為君三黃水從腰腹腫起根在脾甘遂炒為君四白水從腳腫起根在肺桑白皮為君五黑水從腎囊腫起根在腎連翹為君六玄水從面腫起根在外腎羌花醋炒為君七風水從四肢腫起根在骨澤瀉為君八石水從腎腫起根在膀胱葶藶本為君九膏水從小腹腫起根在小腸巴豆去油皮為君十氣水或盛或衰起根在腹紅飯豆為君右十般腫病各有根源看十種病根除將君藥加倍用餘九味即以上各藥等分研末蜜丸梧子大用赤茯苓煎湯吞三丸不拘時每日三丸愈後再用肉桂乾姜肉苳菟赤茯苓莖朮醋炙川芎桔梗各等分為末每服三錢空心開水下每日早午晚各一次百發百中極神效

又方七星魚又名紫魚加葱與冬瓜皮煮食立消 又方青頭雄鴨煮湯飲之或粥煮食之厚蓋被睡臥取汗上腫者方宜汗即愈 ○通身浮腫 取活癩蝦蟆一隻以巴豆七粒用紙包好納入口中用繩吊在有風無日之處陰乾剖開去紙將頭足分為五起肝腸亦分為五起配勻收入磁瓶勿使洩氣臨用取出焙枯研末沖酒服從頭吃起病從頭消從前兩足吃起病從兩手消從兩後足吃起病從兩足消或不必分開亦可輕者一二日消盡重者五日全消終身忌食蝦蟆此治浮腫秘傳第一神方也珍之寶之忌鹽醬一百二十日各種蠱脹亦可治 又方活鯉魚一條重七八兩去鱗將肚剖開去腸淨入好綠礬五分松蘿茶三錢男子用蒜八瓣婦人用蒜七瓣共入魚腹內放磁器中蒸熟令病人吃魚連茶蒜食更妙從頭吃起病從頭上消從尾上吃起即從腳上消其效無比 又方一童子年十一手足臂腿及指頭面通身浮腫數日後漸至沉重氣喘不眠用黃皮柑子一個同甜酒釀二斤煮至將乾

去柑內核取柑連酒食之二次全愈此林屋山人經驗方也 ○病後浮腫 老鴨加真川厚朴二錢煮食連食三

隻即愈神效體虛者勿服 又方蝦蟆又名田雞水雞五隻或用七隻男單女雙去皮並去頭與腸雜不去肝先入

碗內蒸熟再入瓦罐內加水半小碗煮融加陳酒一盃再煮先飲湯後食蝦蟆不用鹽醬連食數次必愈永戒食蝦

蟆有人病後腿膝皆腫至夜更甚服此而愈

脅部兩肋之下為脅愚人多有以肩甲下為脅者不可不知 ○左脅有聲作疼常嘔酸水 有人寫字作事身常向

左夜愛飲酒睡亦向左飲食多壅左邊久則左脅下有聲作痛數日必嘔酸水一次每遇暑天右邊有汗左邊無汗

百端醫治二十年不愈後用蒼朮一斤淘米水泡三日去皮研末芝蔴五錢用水二錢研汁大棗五十枚去皮核共

搗為丸梧子大每日空心溫水送五十丸漸加一二百丸忌食桃李雀肉服至三月全愈初服時如覺乾燥用梧子

煎水送下久服自不燥矣 ○左脅鬱氣痰痛 加味道遙散紫胡白朮白芍當歸芫荽各一錢五分丹皮杭仁各

一錢薄荷五分水煎服神效 ○怒氣動肝寒熱旬日左脅凝聚作痛難以舒轉 此絡脉瘀痺宜通血絡桃仁去

皮尖鬱金各八分歸鬚五加皮澤蘭丹皮新絳各一錢旋覆花二錢青葱管三寸水煎服 ○左脅作痛 柴胡疎

肝散柴胡枳殼川芎香附各一錢五分陳皮白芍甘草各七分淨水煎服 ○右脅有形攻心作痛嘔吐青涎週身

寒凜痛止則無形跡 此寒入絡脉氣塞阻逆宜用辛香溫通之劑川練子酒炒一錢半夏姜汁炒延胡索各一錢

莫莢三分泡淡鹽水炒良姜蒲黃各八分雲苓二錢華撥一錢水煎服 ○右脅脹痛不食 推氣散姜黃枳殼各

一錢五分肉桂甘草各七分水煎服 ○肝燥脅痛或皮膚起泡脹痛亦是 大瓜萋一個連皮搗爛甘草二錢紅

花七分水煎服經云損其肝者緩其中瓜萋甘緩而潤舒鬱不逆此所以奏功如神也 兩脅不時作痛肺癰亦兩

脅作痛應與肺部參看白芥子五錢炒研末白滾水下無論痛在左右雖年老虛弱百約不效者三服除根或煎烤

吼第一方治之亦妙 ○脅痛連腰脊不能轉側 六味地黃丸見內外備用諸方加杜仲續斷或煎服或作丸服

如不見效用八味地黃丸見同前加小茴自愈 ○脅痛腸出臭穢 好醋煮熟洗腸雖腸出數日必入用真台党

枸杞各五錢煎濃湯淋之皮自合口以羊腰煮粥食之十日即愈 ○脅下生瘡 紅腫者照癰毒治色白平塌照

陰疽治 ○脇下漏瘡形如牛眼膿水不止 用鹽少許放白牛耳內然後取牛耳中垢以敷瘡上即愈如不用鹽則

牛耳不癢其垢難取或分別紅白照癰毒陰疽各方治之 ○兩脇脹滿 炒鹽布裏熨之

背部 ○發背治法參看癰毒陰疽各門 發背乃癰疽中大患緣其患位對心對肺對臍故也偏曰搭手因手可搭

而名紅腫痛甚者應稱背癰易治如患色白腫痛者當以流注法治如平塌不痛者當以陰疽治法此皆陰發背也

如候服寒劑候數涼藥候貼涼膏定銀毒攻內腑不救此林屋山人秘法也 ○背癰諸方 牛皮膠四兩蒸化好

酒兌服不飲酒者滾水兌服初起服此毒不內攻不傳惡症 又方未成者用活癩蝦蟆一個繫放瘡上平日蝦蟆

受毒必死取放水中吐出毒氣復活再換一個仍如前法換至三四個後則毒散矣屢試極效若勢重者以活癩蝦

蟆一個或二三個破開連腸乘熱合瘡上不久必臭不可聞再換二三次必愈並治一切癰毒屢試神效終身戒食

蝦蟆 又方芝麻油一斤黃丹八兩飛宮粉一兩槐枝數寸頭髮一團洗淨銹釘五七個洗淨土銅綠五錢將油燒

滾入釘熬數滾去釘入槐枝熬枯去之入髮熬焦又去之入丹粉銅綠熬成膏置水中隔夜取出貼之其效如神百

無一失 又方瓜蒞五枚取子去殼真乳香五塊如棗大者共研細末以白蜜一斤同熬成膏每服三錢溫黃酒化

服桐廬一人因母患背癰百藥不效後夢呂仙授此方服之而愈 ○背熱如火 此虛火也生附子研末以井水

調敷兩足心

腰部 ○腎虛腰痛 壯本丹凡腎虛腰痛久則寒冷此藥壯精骨補元陽利大小便養丹田功效甚大肉從容酒洗

焙乾杜仲酒洗已乾酒浸去皮青鹽以上各五錢煨核桃又名胡桃破故紙鹽炒小茴香各一錢共為末用猪腰子

一對剖開去白膜入藥在內紮住再用麪包紮入火內燒熟去藥與麪每服一個酒送下 又方青殼羊脊髓和蒜

炒食以酒送下甚效 又方羊腰一對去白筋切片以鹽醃去腥水入杜仲三錢蒸服酒下或用荷葉包火中煨食

亦可 又方白扁豆根洗淨不拘多少酒煮服立驗並可斷根 ○腎虛腰痛腳軟 板粟要扁的布袋裝好掛有

風處陰乾一日翻動數次方免乾壞每早取七個細細嚼食再以猪腰子煮粥食之久必強健 又方杜仲一兩半水

半酒煎一大盞服之三日能行七日能愈 又方七製固脂丸見內外備用諸方服之神效無比 ○閃跌毆打腰

痛 續斷大黃骨碎補沒藥歸尾虎骨赤芍各二錢紅花自然銅煨醋淬川山甲劉寄奴各一錢絲瓜絡半個共煎

薑汁調敷盡以粗紙一日一換盡量飲以好酒三日即愈年餘不愈者皆極神效並治閃跌內傷肩挑重物受傷初時不覺日久忽然疼痛浮面按之不痛或咳嗽牽扯作痛三五年不愈者用此亦效 又方真橙子核一錢五分製香附一錢炒研為末酒服三錢極效 又方白葡萄乾一兩用好酒煎服至重者兩服全愈 又方真硼砂研極細用燈心點眼睛四角淚出即鬆連點三次神效 ○脾濕腰痛 腰痛人皆以為腎之病也不知非腎乃脾濕之故腰間如繫重物法當去腰膺之濕則腰痛自除白朮二兩薏仁一兩五錢水三碗煎湯一碗一氣飲之一服病即如失多以二劑為止此方不治腎而止所以治腎也 ○腰腿風濕冷痛當歸熟地白芍牛膝石斛茯苓各一錢川芎木瓜肉桂防風獨活各五分木香炙草各三分姜一片水煎兌酒服雖年久不愈亦效 又方吳茱萸一茶盃研末以黃酒一盃調勻炒熱攤油紙上敷患處用布捆好立時止痛如冷再炒再敷 ○男婦腰痛如刺面腫而黑氣血虛癯髮落齒枯唾涕涎腰脊痛不能行 鹿骨四兩剉屑炒黃為末酒下二錢加牛膝為丸更效或用大製固脂丸見內外備用諸方可斷根 ○各種腰痛 當歸熟地牛膝各一錢威靈仙五分清油桃仁七粒水一碗煎好加老黃酒一碗服下即愈 又方絲瓜根又名水瓜又名線瓜燒灰存性每服二錢酒下雖痛不可忍者可以立止神效非常 又方刀豆殼燒灰沖酒服極效神驗 ○纏腰丹 方見癰毒諸症門 ○腰痛牽心氣絕欲死 方見痞疾門髮癰方

重訂驗方新編卷六

前陰 ○男女交合精脫氣絕 男女交感樂極精脫而死切不可驚走下床男脫則女以口哺送其熱氣女脫則男以口哺送其熱氣一連數十口呵之則必悠悠然陽氣重回矣再以人參附子湯灌之送氣之法先須閉口提丹田之氣上來盡力哺於口中送下喉去可救氣絕於俄頃若貧者不能得參急用黃耆四兩當歸二兩附子五錢水煎服亦有生者 又方用人抱起坐之以人之口氣呵其口又恐不能入喉急以筆管通其兩頭入病人喉內使女子呵之不必皆妻妾也凡婦人皆可盡力呵之雖死去亦生 ○陽物挺脹 甘草梢二兩小黑豆半升煎濃湯服 ○陽物堅硬精自流出控之則脆痛如針刺 此名腎漏又名如精或云生楊梅瘡多有此症用固脂韭菜子各一錢五分黃柏五分煎服若不見效煎後強中方治之 ○癆病火動陽物易舉 皮硝散手心兩手合住其硝自化

陽物即不舉矣以燒酒和泥敷陰毛上陽即復舉總之陽舉則相火妄動其病難愈必致貪色亡身不如不舉安心靜養為妙保生惜命者宜加意焉 ○陽強不倒精自流出 此名強中乃陽盛實熱若不急治必發大癰難治用

生地黄柏知母龍骨大黃枳殼各一錢水煎服若胃虛食少者則用黃柏砂仁甘草各一錢水煎服 ○老人腎硬

老人腎藏虛寒內腎結硬雖服補藥不入用羊腰子一對杜仲一片長二寸寬一寸煮熟空心食之腎自柔軟再用

補藥調理 ○陽物被捆腫大 一小兒破人用頭髮繫住龜頭少時氣閉腫大無法可解後將小兒坐冷水中即

刻縮小去髮即愈 ○飛絲纏繞陽物腫痛不已 威靈仙二兩煎濃汁泡洗 ○陽物縮入 方見卷十四傷寒

門陰症傷寒內 ○陽物割斷 凡陽物割斷傷口不合急用所割陽物焙枯研末用酒冲服立效 ○陰頭生瘡

名下疳 蘆甘石一兩火煨醋淬再煨再淬五次免茶三錢共研末香油調敷立愈 又方婦人月經布燒灰候冷

蘇油調敷百發百中或加頂上冰片少許更妙 又方先用甘草銀花葱頭煎湯洗淨用生橄欖核一個無則用鹽

橄欖核煮淨鹽味亦可燒存性頂上梅花冰片一分共為細末蘇油調塗雖臭爛不堪敷之即愈屢試如神 又方

銀青散見癰毒諸方敷之神效 又方鼈甲燒灰數百為不效者用此如神 又方五倍子研末絲瓜搗爛包敷雖

腐爛不堪者亦效 ○陰毛生八角強 白菓膏融擦之神效或用桃仁嚼融擦之亦可 ○腎氣由臍下上衝心

痛小便不通 此名心疝用韭菜汁和五苓散見內外備用諸方研末以小茴香煎湯冲服 又方真靈令小茴香

各四兩共研末水為丸梧子大每服三錢開水下服完即愈其效如神 ○小腹有塊直衝心胸叫號疼痛止覺筋

硬 此名橫梁疝最難醫治婦女患此最多用補骨脂一斤黑芝蔴二兩拌炒篩去芝蔴只將補骨脂磨末忌鐵器

以酒為丸每服三錢開水送下或照後絲瓜方及丹溪方更妙 ○小腸氣痛腎子腫脹偏墜 名曰疝氣用老絲

瓜又名水瓜又名線瓜瓦上焙枯研末熟酒冲服重者不過三服即愈雖氣痛衝心亦效 又方凡疝初起必發寒

熱疼痛欲成囊癰者用新鮮地骨皮即枸杞子根生薑各四兩共搗如泥用細包於囊上其癰異常一夕即消永不

再發 又方槐子一錢炒為末入鹽三分空心熱酒送下腫消痛止 又方病在左用荔枝核一歲一粒新瓦上焙

枯研末空心好酒冲服病在右用小茴香五錢鹽水炒研末空心服一日兩次甚效 又方荔枝核四兩鹽水浸炒

小茴香一兩鹽水炒研末同研細如紅白二糖半勺為丸如梧子大每服五錢一日三次內用酒送下